



RELATÓRIU TRIMESTRÁL FUNDU MINA-RAI NIA
Trimestre ne'ebé termina iha 30 Setembru 2013
KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu resin tolu ba trimestre ne'ebé termina iha loron 30 Setembru 2013. Relatoriu ne'e hatudu katak kapitál Fundu nian iha fim trimestre ne'e sa'e ba bilhoens \$14,6 kompara ho bilhoens \$13,6 iha fim trimestre.

Relatóriu ne'e mós hatudu katak totál reseitas mak simu durante trimestre ne'e hamutuk millaun \$703,30 ne'ebé kompostu housi kontribuisaun kontribuinte sira ba Fundu hamutuk millaun \$269,31, pagamentu *royalty* simu housi Autoridade Nasionál Petróleu (ANP) millaun \$433,99.

Rendimentu housi investimentu Fundu nian iha trimestre ne'e hamutuk millaun \$413,27 kompostu housi, kupaun no jurus ne'ebé simu mak millaun \$61,38 no mudansa iha valór merkadu nian millaun \$351,89. Ne'e rezulta rendimentu ba karteira Fundu nian durante trimestre ne'e 2,98%, enkuantu rendimentu sasukat (*benchmark*) nian ba periodu ne'e mak 3,07%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Haktuir ba desizaun Ministra Finansas atu aumenta investimentu iha asoens (equities) to'o 40% iha 30 Junu 2013, gestores esternu ba mandatu asoens nian consege gradualmente hasa'e exposaun iha asoens no atinji 32% iha Setembru 2013.

Haktuir ba desizaun Ministra Finansas kona ba introdusaun ba alokasaun foun 10% housi total Fundus nian ba títulus listada iha merkadu nasaun dezenvolidus naun-EUA (*"non-US developed market bonds"*), Banco Central liu housi ekipa painel ne'ebe iha nomeia gestor provisório (*interim manager*) ida hodi provisoriamente ho pasiva gere mandatu ne'ebe temi dadauk hahu iha 26 Agostu. Iha tempu mak hanesan BCTL mos hahu kedas prosesu tenderijasaun atu selesiona gestor externa ida ba longo prazu nian no mos iha capacidade atu hasa'e rendimentu tuir sasukat referencia (*benchmark*).

Mandatu ne'ebe fo ba BIS mak atu gere uniku US Treasury 5-10 years index ho karakteristikas risku no retornu ne'ebe hanesan mak atu dezempeña liu referencia (*benchmark*) no mantein *ex ante tracking error* iha Pontu baze 100 nia laran.

Mandatu ne'ebé fó ba Schrodgers mak atu jere portofoliu iha maneira *enhanced passive indexing* no mantein *tracking error* ida-ne'ebé relativa ba sasukat ne'ebé normalmente laliu housi pontu baze 100, ho diferensa pezu ne'ebé mantein iha 0,5% (nivel asoens) no 2,5% (iha nivel nasaun no seitor). Laiha tempu ida mak *tracking error ex-ante* bele liu pontu baze 150.

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)

Mandatu ne'ebe fo ba SsgA no Black Rock katak atu gere portofliu ho *passive indexing* ho objetivu atu mantain besik iha susukat (*Benchmark*), depois taxa no kustus no mantain iha *ex-ante tracking error* relativa ba *benchmark* ne'ebe normalmente la liu housi 35 pontu baze.

Banco Central de Timor-Leste jere ona portofoliu besik liu ho pontu referensia iha trimestre dala 33 dahuluk. Diferensia entre portofoliu no pontu referensia hahú housi inísiu fundus nian mak pontu baze 1 (0,01%).

Pontu importante housi Relatóriu Trimestre ba dala XXXIII, ne'ebé kobre período 1 Julhu to'o 30 Setembru 2013, inklui:

- Kapital Fundus nian aumenta housi bilhoens US\$ 13,6 ba bilhoens US\$ 14,6.
- Osan kontadu brutu fundus nian tama housi kontribuisaun kontribuente, realeza (royalties) hamutuk millaun US\$ 703,30
- Osan kontadu liquidu nebe sai housi Fundu durante trimestre ne'e mak millaun US\$ 181,97 kompostu housi transferensia ba OGE hamutuk millaun US\$ 180,00 no gastus hodi kobre kustu ba jestaun external no internal nian hamutuk millaun US\$1,97.
- Reseitas likidus durante trimestre ne'e hamutuk millaun US\$ 521,33.
- Rendimentu portofoliu iha periodu ne'e mak 2,98% kompara ho rendimentu referensia mak 3,07%.
- Rendimentu investimentu durante trimestre ne'e mak US\$ 413,27 millaun kompostu housi jurus titulus nian millaun US\$ 61,38 no alterasaun valor merkadu nian mak millaun US\$ 351,89.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste www.bancocentral.tl

Nur- Aini Alkatiri

Vise-Governadóra

Ba informasaun adisionál bele hetan housi:

Korreiu-Eletróniku: jose.ximenes@bancocentral.tl

Telefone: + (670) 3313718

Dili, 7 Novembru